

**25 ЯНВАРЯ: Празднование Пресвятей Владычице нашей
Богородице в честь чудотворная Ея иконы,
именуемая «Млекопитательница».**

Вечером 24 января

Изменяемое №1

На Господи, воззвах глас 6:

Стѹх: *Изведи из темницы душу мою, исповедатися имени Твоему.*

Стѹх: *Менѣ ждут праведницы, дондеже воздаси мнѣ.*

Стѹх: *Из глубины воззвах к Тебѣ, Господи, Господи, услыши глас мой.*

Стѹх: *Да будут уши Твои внемлюще гласу моления моего.*

Стѹх: *Аще беззакония назиши, Господи, Господи, кто постоит; яко у Тебѣ очищение есть.*

**Величаем тя, Богородице Дѣво,/ возвеличившую род наш,/ из Тебѣ
бо воплотися Избавитель Господы/ и родися яко Младенец
млекопитаемый,/ Сый Бог наш,/ спасаая прісно Тя величающия.**

Стѹх: *Имене ради Твоего потерпѣх Тя, Господи, потерпѣ душа моя в слово
Твое, упова душа моя на Господа.*

**Величаем Тя, Богородице Дѣво,/ Застѹпницу усердную рода
христианскаго,/ покровом милости Твоея/ покрывающую всю
вселенную,/ се бо икона Твоя святая/ чудес множество источает/ и
яко дар Божествен/ Церкви Христовой даровася/ благодію Творца,
всѣльшагося в Тя плотию,/ Иже питаешся от сосѣц Твоих яко
Младенец,/ Сый Предвѣчный Бог,/ спасаая прісно Тя величающия.**

Стѹх: *От стражи утрення до нощи, от стражи утрення, да уповает
Израиль на Господа.*

**Величаем Тя, Богородице Дѣво,/ яко одушевленный кивот
Божества/ и манноприемную стамну,/ позлащенную Духом Святым,/ ложесна
бо Твоя престол Себѣ сотвори/ и от сосѣц Твоих питатися
изволи/ Сый Бог наш,/ спасаая прісно Тя величающия.**

Стѹх: *Яко у Господа милость, и многое у Него избавление, и Той избавит
Израиля от всѣх беззаконий его.*

Глас 1: Ношú Тя яко Младénца рука́ми,/ вся́ческая нося́щаго, и удивля́юся, -/ глаго́лаше Неискусобра́чная, -/ ка́ко Тя млéком воспита́ю, пита́ющаго вся,/ Сы́не Мой, Тво́рче Мой,/ сла́влю Твое́ безме́рное к челове́ком снизше́ствие,/ íмже спаса́еши мир погиба́ющий.

Стíх: *Хвалíte Гóспода всú язы́цы, похвалíte Егó всú лю́дие.*

Ношú Тя яко Младénца рука́ми,/ вся́ческая нося́щаго, и удивля́юся, -/ глаго́лаше Неискусобра́чная, -/ ка́ко Тя млéком воспита́ю, пита́ющаго вся,/ Сы́не Мой, Тво́рче Мой,/ сла́влю Твое́ безме́рное к челове́ком снизше́ствие,/ íмже спаса́еши мир погиба́ющий.

Стíх: *Яко утверди́ся мíлость Егó на нас, и íстина Господня пребывáет во вéк.*

Глас 4: О блаже́нное Богоотрокови́цы чре́во,/ яже мы́сленне Небесé больши показáся!/ Егóже бо не вмещáет Нéбо,/ Ты содержи́ши, в Себé нося́щи./ О блаже́нны сосцы́ Дéвы,/ яже соссёт пита́й вся́ко дыха́ние Христóс,/ в ложесна́х плоть Себé созда́в безму́жныя Отрокови́цы.

Сла́ва, и ны́не: От святы́я ико́ны Твое́я, Влады́чице Преплага́я,/ исцелéний стру́и истека́ют,/ íмиже напáются благода́тно ду́ши на́ша,/ темже Тя, мíлостивую Ма́терь/ и Млекопита́тельную Спасíтеля на́шего,/ прíсно в песнех велича́ем.

<далее см. основной Чин>

Изменяемое №2

Прокíмен после «Свéте тíхий»: *См. Прокимен дня <далее см. основной Чин>*

Изменяемое №3

Паримии:

Бытия чтéние (глава́ 28):

Изы́де Иа́ков от студенца́ клятвеннаго и íде в Харра́нь./ И обрéте ме́сто, и спа та́мо, за́йде бо со́лнце,/ и взят от ка́мения ме́ста того́, и положи́ возгла́вие себé,/ и спа на ме́сте о́ном, и сон ви́де:/ и се ле́ствица утвержде́на на земли́,/ ея́же глава́ досяза́ше до Небес́,/ и А́нгели Бо́жий восхожда́ху и низхожда́ху по ней,/ Господь же утвержда́шеся на ней и рече́:/ Аз Бог Авра́амов, отца́ твоего́,/ и Бог Иса́ков, не бойся:/ земля́, иде́же ты спи́ши на ней,/ тебе́ дам ю́ и се́мени твоему́./ И бу́дет се́мя твое́, яко песо́к земный,/ и распростра́нится на мо́ре,и ли́ву, и се́вер, и на восто́ки,/ и

возблагодарятся о тебе вся колена земная и о семени твоём./ И се
Аз с тобою, сохраняяй ты на всяком пути, а́може аще по́йдеши./ И
возвращу́ ты в зéмлю сию́,/ я́ко не й́мам тебе оста́вити,/ дóндеже
сотвори́ти Ми вся, ели́ка глаго́лах тебе́./ И воста́ Иа́ков от сна своего́
и рече́:/ я́ко есть Господь на мéсте сем, аз же не ве́дех./ И убоя́ся, и
рече́:/ я́ко стра́шно мéсто сие́,/ несть сие́, но дом Бо́жий, и сия́ врата́
Небе́сная.

Проро́чества Иезеки́лева чтéние (гла́вы 43 и 44):

Та́ко глаго́лет Господь:/ бу́дет от дне осма́го и прóчее,/ сотворят
иере́и на олтарí всесожжéния ва́шего/ и я́же спасéния ва́шего,/ и
прииму́ вы, глаго́лет Адона́й Господь./ И обрати́ мя на путь врат
святы́х вnéшних,/ зря́щих на востóки, и сия́ бяху затворéна./ И рече́
Господь ко мне:/ врата́ сия́ затворéна бу́дут и не отве́рзутся,/ и
никто́же про́йдет скво́зе их,/ я́ко Господь Бог Изра́илев про́йдет й́ми,
и бу́дут затворéна./ Я́ко игу́мен сядет в них снéсти хлеб,/ по пути́
Ела́мских врат вни́дет и по пути́ его́ изы́дет./ И введе́ мя по пути́
врат святы́х, сущих к се́веру, прямо́ хра́му, и видех,/ и се испо́лнь
сла́вы храм Господень.

Притче́й чтéние (глава́ 9):

Прему́дрость созда́ Себе́ дом/ и утверди́ столпо́в седмь./ Закла́
сво́я же́ртвенная,и раствори́ в ча́ши Своёй вино́,/ и угото́ва Свою́
тра́пезу./ Посла́ Сво́я рабы́, созыва́ющи с вы́соким пропове́данием
на ча́шу, глаго́лющи:/ и́же есть безу́мен, да уклони́тся ко Мне,/ и
тре́бующим ума́ рече́:/ прииди́те, яди́те Мой хлеб и пи́йте вино́, е́же
раствори́х вам./ Оста́вите безу́мие, и жи́ви бу́дете,/ и взыщи́те
ра́зума, да поживе́те,/ и испра́вите ра́зум в ве́дении./ Наказу́яй злы́я,
при́имет себе́ безче́стие,/ облича́ли же нече́стиваго, опорóчит себе́,
обличéния бо нече́стивому – ра́ны ему́./ Не облича́й злых, да не
возненави́дят тебе́,/ облича́й прему́дра, и возлю́бит тя./ Дажь
прему́дрому вино́, и прему́дрший бу́дет;/ сказу́й пра́ведному, и
приложи́т приима́ти./ Нача́ло прему́дрости – страх Господень, и
совет святы́х – ра́зум:/ разуме́ти бо зако́н, помы́сла есть благо́го./
Сим бо о́бразом мно́гое поживе́ши вре́мя,/ и приложáтся тебе́ ле́та
животá.

Лития *глас 7:*

Гора́ еси́ вели́кая и пресла́вная,/ па́че горы́ Сина́йския,
Богоро́дице,/ она́ бо не терпя́ше снѣтия сла́вы Бо́жия во о́бразех и
се́нех,/ огнём возга́рашися, и гро́ми и мо́лнии та́мо бы́ша,/ Ты же
весь Божѣственный огонь суцъ,/ Бо́жие Сло́во во чре́ве Твоём
неопáльно носи́ла еси́/ и от сосе́ц Твои́х млеко́м пита́ла еси́/ ма́нием
Нося́щего вся,/ и, ма́тернее дерзнове́ние к Немú имúщи,/ помози́,
Влады́чице, ве́рно пра́зднующим/ Твой честны́й пра́здник,/ и не
забу́ди, ми́лостивно посеща́ющи,/ прия́ла бо еси́ от Бо́га дар/
стро́ити и покрывáти христоиме́нное ста́до, рабы́ Твоя́.

Глас 6: Прииді́те, вси концы́ землі́,/ честно́му о́бразу Бо́жией
Ма́тери поклоні́мся,/ Млекопита́тельница ви́дишися на ико́не Твоёй
святѣй,/ де́вство и ма́терство преді́вно сочета́вши,/ те́мже мо́лим
Тя,/ воста́ние страсте́й на́ших утоли́, и болѣ́зни исцели́,/ и любóвию
пою́щих Тя не прѣзри,/ но посети́, и от скорбе́й изба́ви,/ и не оста́ви
до конца́ погíбнути рабы́ Твоя́.

Сла́ва, и ны́не, глас 8: Тя мо́лим, Предста́тельницу на́шу,
Богороди́тельнице Мари́е,/ и к Тебе́ со умиле́нием и любóвию
припа́даем,/ яви́ нам многомóщное Твоё заступле́ние/ и ускóри
изъя́та от облежа́щих нас бедъ,/ мно́го бо мо́жет Твоя́ ма́терняя
моли́тва/ ко благосе́рдию Влады́ки,/ воздвигни убо к Немú ру́це,/
ими́же Того́ я́ко Младенца́ носи́ла еси́/ и от сосце́в Твои́х
млекопита́ла еси́,/ и заступи́ лю́ди согре́шшия,/ да ра́достию Тебе́
зовём:/ ра́дуйся, Ра́досте и Спасе́ние душ на́ших.

По полиеле́и седа́лен *глас 4:*

Прииді́те, ве́рнии,/ прииді́те, просла́вим чу́дную ико́ну Бо́жия
Ма́тере Млекопита́тельницы,/ пресла́вно бо и боголе́пно на твёрди
церко́вней та возсия́вши,/ чудесы́ вели́кими всех просвещáет
духо́вно/ и созывáет вѣсело вопі́ти Богома́тери песнь ра́достную:/
ра́дуйся, Обра́дованная, Госпо́дь с Тобо́ю.

Сла́ва, и ны́не, то́йже.

Степённа, 1-й антифён 4-го гласа.

Прокімен *глас 4:* Помяну́ имя Твое́/ во всяком ро́де и ро́де. *Стих:*
Слыши, Дщи, и ви́ждь, и приклоні́ у́хо Твое́.

<далее см. основной Чин>

Изменяемое №7

По 50-м псалмё стихіра *глас 6:*

Вели́кое сокровище дарова́ла еси́ нам, Влады́чице,/ прославлéнием чудотворнаго Твоего́ о́браза,/ Млекопита́тельнице Спа́са на́шего,/ исцелéния бо мно́гия от него́ недужным быва́ют,/ тёмже Твоими́ мило́стями, Госпоже́, хва́лимся/ и Твоя́ чудеса́ велегласно пропове́дуем,/ я́ко Ты еси́ прибёжище на́ше/ и к Бо́гу Милостивая о нас Ходатаица.

<далее см. основной Чин>

Изменяемое №8

Канон Богородице *глас 8.*

Песнь 1

Ирмос: Во́ду проше́д, я́ко су́шу,/ и египетскаго зла избежа́в,/ израильтянин вопия́ше:/ Изба́вителю и Бо́гу на́шему по́им.

Водо́ю моли́тв Твои́х, Де́во, ороси́ нас к плодоно́сию духо́вному/ и воспламени́ хла́дное на́ше се́рдце Божественною любóвию,/ да Тебе́, Млекопита́тельнице Пита́теля на́шего,/ пéние хвалéбное воспо́им досто́йно, Чи́стая.

Во́ды стра́стных помышлéний обурева́ют нас, Госпоже́ Всеблага́я,/ но ина́го пристанища ко спасéнию не има́мы,/ то́кмо Тебе́, Всенепоро́чная, млекопита́вшая Спа́са душ на́ших/ и от ико́ны Твоея́ святы́я всем да́рующая утешéние.

Во́ду непостоя́нную житёйских треволне́ний/ преи́ти безбе́дно помози́ нам, Чи́стая,/ и от лю́тых неду́гов исцелéние нам пода́ждь, Млекопита́тельнице Свята́я,/ и покажи́ прича́стники нас бы́ти насле́дия Небе́снаго, Богоневéстная.

Во́ды целёбныя источа́ет нам ико́на Твоя́ всечестна́я, Богородице Де́во,/ и стра́сти многоразли́чныя исцеля́ет и по́мощь в беда́х ве́рным от Тебе́ подаёт,/ да сла́вим чудеса́ Твоя́ и поём Тя, благі́х вино́вную,/ воплоти́вшую и дои́вшую Богомладéнца Иису́са.

Чистая – Отроча раждаеши, Дева – млéком дойши!/ Како в сию двою девствуеши, рóждши?/ Бог есть содéявый, не взыскуй от Мéне, éже како.

Недоумéнием покрывáется рождество Твое,/ страннó бо, Дéво, дойши Питáтеля, и млéком питаéши Невещéственного,/ и на руку держиши Зижд́ителя.

Слáва: Носящи Емману́ила на руку Твоею, Чистая, я́коже Младéнца, Богора́дованная, вопия́ла еси́:/ Чадо Моé сладча́йшее, ка́ко пода́м Тебе́ сосéц, пита́ющему вся́ческая?/ Ка́ко повию́ Тебе́ пелена́ми, мгло́ю повива́ющего мо́ре?

И ны́не: Безо́тча родила́ еси́, безма́терня прéжде Тебе́,/ и я́ко Младéнца дойла еси́ пита́ющего вся,/ Егóже моли́ спаст́ися вéрно пою́щим Тя госпóдьственно, Богороди́цу Чистую.

Ирмо́с: Небéснаго крúга Верхотвóрче, Гóсподи,/ и Цéркве Зижд́ителю,/ Ты менé утверди́ в любви́ Твое́й,/ желáний кра́ю, вéрных утверждéние,/ Еди́не Человеколю́бче.

Небéсных ра́дование и земн́ых упова́ние еси́, Богороди́це Дéво,/ свéтлая пала́то Царя́ царéй, млекопита́вшая Егó от сосцú Твое́ю./ Тогó убо моли́ приле́жно с вели́ким Предте́чею Иоáнном и чудотвóрцем Никола́ем/ спаст́и и просвети́ти ду́ши на́ша, Еди́на Всеблагословéнная.

Небéс превы́шшая, и зéмлю рождеством Твои́м освяти́вшая,/ и млекопита́вшая Зижд́ителя Твоегó, Богоневéсто Мари́е,/ ико́ною сла́дкаго подóбия Твоегó нас утешáеши/ и недужным исцелéние подаéши, Еди́на Пречи́стая.

Небéсная Цари́це, Всеми́лостивая Влады́чице,/ нетлénно роди́вшая и дой́вшая святы́х Святéйшее Сло́во,/ кую́ досто́йную похвалу́ принесём Ти, недостóйнии,/ áще не Самá Ты на́учиши нас неосуждénно сла́вити Тя/ и пéти Твоя́ чудеса́, Еди́на Всеблаже́нная.

Небéсное а́нгельское славослóвие слы́шиши, Госпоже́, в Сиóне Го́рнем,/ отону́дуже нас, до́льних, ма́терним Твои́м о́ком назира́еши/

и вѣну молиши за нас Сына Твоего и Бога, / да вѣчнаго избѣгнем осужденія, Едина Пренепорочная.

Ин.

Яко Дѣву и Едину в женах Тя, без семени рождшую Бога, плотию, / вси ублажаем, роди человечести, / Огнь бо вселіся в Тя Божества / и яко Младенца доиши Зиждителя и Господа.

Украшившись, Чистая, найтием Пресвятаго Духа, / Бога сосцами доиши и Сего держиши объятии, / всю тварь дланию содержащаго.

Слѣва: Некрадомое богатство дѣвства Твоего, / Мати плотию явилася еси Вседержителя, / Невѣсто Неискусомужная, Дѣво Богородице, / воспитавши яко Младенца, питающаго яко Зиждителя весь мир и освящающа.

И ныне: Отыми поношение человеческое / и клеветы наветник от мене, Богородице, молю Тя, / да усердно славлю Господа, Егоже питала еси.

Седален, глас 8: Величия Твоя кто исповѣсть, Богородице? / прославленіем бо чудотворный иконы Твоей Млекопитательницы / возвеселила еси души православных, / многія недуги тою врачующи и от всяких бед избавляющи, / иже по Бозе упованіе на Тя возлагающих, о Владычице Всемилостивая, / и нас Твоего заступленія не лиші, / обитель же нашу от всякаго зла сохрани, / да, Тобою хвалящися, не постыдимся во вѣки.

Песнь 4

Ирмос: Услышах, Господи, / смотренія Твоего таинство, / разумех дела Твоя / и прославих Твое Божество.

Услыши гласы наша хвалебныя, Богородице Преплага, / и наше поклоненіе приими, пред святою иконою Твоею днесь приносимое: / видим бо Тя на иконѣ, Спаса Христа млекопитающую, / и радуемся, грѣшнии, рождагоса от Тебѣ Бога славяще.

Услышала еси, Пречистая Владычице, благовѣщеніе Архангелово: / радуйся, Благодатная, Господь с Тобою, / и зачала еси

во утрóбе Твоёй предвѣчнаго Бóга,/ Егóже нетлѣнно рóждши, млекóм Твоím яко Младѣнца питáла есѝ во спасѣние нáше.

Услы́ша первосвятѣтель Сѣрбскій Сáвва заветъ вели́каго во отцѣх Сáввы Освященнаго/ о святѣй икóне Твоёй Млекопитáтельнице, Богорóдице Дѣво,/ и прият ю со благоговѣнием, яко залóг Твоегó благоволѣния, Преплага́я.

Услы́шаши и́ноцы Святѣя Горы́ Афóнскія,/ яко святáя икóна Тво́я Млекопитáтельница от Иерусали́ма к ним принóсится,/ о Мáти Сло́ва и Дѣво,/ и, рáдостию слáвяще и пою́ще многопѣтое Твое́ и́мя, потекóша во срѣтение ей.

Ин.

Утрóба Тво́я препѣтая и сосцá блажѣнна, Дѣво,/ тех бо ради жизнь вси обретóхом.

В рождествѣ Твоём зачатіе безсѣменно,/ во успѣнии Твоём мѣртвость нетлѣнная,/ чúдо в чудесѝ сугúбо стечѣся, Богорóдице:/ кáко бо, Неискусомúжная, Младопитáтельница чѣста сущи?/ Кáко же Мáти Бóгу мертвонóсна мироухáющи?

Слáва: Млекóм питáла есѝ, Дѣво, плотнóсца Твоегó Бóга рождѣннаго,/ яко да болѣзнь Ада́мову, сýщую во áде, облѣгчит,/ от дрéва снѣдша знáния и за́поведь преслúшавша.

И ны́не: Кто вѣде отрочá, егóже не все́я отѣц, млекóм пита́емое?/ Или́ где вѣдена бысть дѣва мáти?/ Ёстинно пáче умá обоя́, Богородѣтельница Чѣстая.

Песнь 5

Ирмóс: Просветѝ нас повелѣнии Тво́ими, Гóсподи,/ и мýщицею Тво́ею высóкою/ Твой мир подáждь нам,/ Человеколю́бче.

Просветѝ нас, грехáми потемнѣнных, Влады́чице, сия́нием Бóжией благодáти/ и сподóби чѣсто зрѣти святúю Тво́ю икóну и на ней чúдо чудесъ благоговѣ́нно созерцáти,/ сие́ есть Творцá вселѣ́нныя яко Младѣнца, от сосцú Тво́ею пита́емаго.

Просвещѣние и спасѣние на Тя надѣющихся, Богорóдице Дѣво,/ облагодатѝ наш пóмысл достóйно слáвити Тя и пѣти Тво́я чудесá,/

яже от иконы Твоея, Млекопитательница именуемая, явила еси/ и присно являеши во утешение и спасение наше.

Просветивый небо солнцем и земли основание утвердивый
Словом Своим,/ Зиждитель всяческих во утробе Твоей, Пречистая,
не тесновместися/ и от сосцү Твоею яко Младенец питаешься,/ нам же
святую икону Твою источник чудес дарова, Преплага.

Просветися Божественною благодатию обитель великаго пророка
и Боговидца Илий,/ икону Твою, Богомати Владычице, в наследие
себе приемши,/ сию убо и мы достождным поклонением
почитаем/ и Тя, Предстательницу нашу, в песнях немолчно
ублажаем.

Ин.

Из недр Отческих низшел еси/ и несказанным истощанием юже по
нам нищету восприял еси паче естества, Человеколюбче,/ в вертеп
вселитися благоволил еси, Господи,/ и яко Младенец сосцы
питаешься, Зиждитель и Господь.

Веків Зиждитель пленами повивается, яко Человек, и млеко
питается,/ Иже вся безмерною крепостию яко Бог содержа и
мановением возводя.

Слава: Единая Чистая пребыла еси и по Рождестве,/ Единая токмо
явилася еси безмужная, млеко питающая Слово Отчее Истинное,
Духом Святым приемшее рабий зрак по нам, Дево Богородице,
Егоже, Божественное чтуще зрака подобие, почитаем.

И ныне: Яко носиши на руку, Марие,/ и от сосцү питаеши питающего
всякое дыхание,/ Егоже, Богородице, чтуще, проповедуем,/ молися
Ему, Чистая, о всех нас.

Песнь 6

Ирмос: Молитву пролию ко Господу/ и Тому возведу печали моя,/ яко зол душа
моя исполнися/ и живот мой аду приближися,/ и молюся, яко Иона:/ от тли, Боже,
возведи мя.

Молитвы множайши здесь, пред иконою Владычицы,
возносятся,/ егда сия в православную Россию от Святыя Горы
иноками обители Ильинския принесется,/ верным во утешение и в
радость нескончаемую.

Моли́тву всяк принося́й Тебе́ с ве́рою и лю́бовию/ пред пречи́стым
о́бразом Твои́м, Богоро́дице Преблага́я,/ не неуслы́шан от Тебе́
оты́дет,/ всем бо вся благая́ да́руеши, я́ко Бо́га и Пита́тельнице
Пита́теля вселénный.

Моли́твенно Тя сла́вим, Пречи́стая Млекопита́тельнице,/ и, с
любо́вию припада́юще к многоцелéбному Твоему́ о́бразу, се́рдцем и
усты́ сей целу́ем,/ ви́дяще в нём залóг благодáтный Твоего́ к нам
мáтерняго благоволе́ния.

Моли́тися всегда́ усéрдно желáние пода́ждь нам, Преблага́я
Влады́чице,/ вся бо мо́жеши я́ко Ма́ти и Млекопита́тельница
воплоти́вшагося Бо́га,/ Егóже ми́лостива нам сотвори́ всеси́льным
предста́тельством Твои́м/ и не попусти́ до конца́ поги́бнути рабо́м
Твои́м.

Ин

По́лный исто́щава́ется нас ра́ди,/ и прие́млет Безнача́льный от
Тебе́ нача́ло, Дево Пренепоро́чная,/ и ви́дится Невиди́мый, и Пита́й
вся́ческая млеко́м пита́ется, обнов́ити челове́ка промы́шляя.

И́же, всея́ земли́ го́рстию содержа́й концы́,/ ка́ко ма́терними
не́драми объёмлется,/ млеко́м же пита́ется от сосе́ц, насыща́я вся́ко
живо́тно благоволе́ния,/ и богáтый излия́ние обнищава́ет,
вплоща́емь.

Сла́ва: Егóже тьмы а́нгельския и серафíмская мно́жества
ужаса́ются/ и разу́мная тварь трепéщет,/ Того́ я́ко Младéнца, Де́во,
пита́еши,/ Егóже о́бразно на руку́ Твоею́ ви́дяще, всегда́
поклоня́емся.

И ны́не: Ада́мов Содéтель от крове́й Твои́х чи́стых зи́ждется/ и
млеко́м пита́ется, пита́й вся́кое дыха́ние, Де́во Богоро́дице,/ те́мже
я́ко Бо́жию Тя сла́вим Ма́терь.

Конда́к, глас 5: Душ на́ших чу́вствия очи́стивше,/ у́зрим на ико́не
та́инство пресла́вное,/ Творца́ Вселénныя и Го́спода вы́шних сил,/
во объ́ятиих держи́ма и от сосцу́ Твоею́ я́ко Младéнца пита́ема,/ и, со
стра́хом и ра́достию покланя́ющеся Тебе́/ и ро́ждшемуся от Тебе́

Спа́су на́шему, воззовём:/ ра́дуйся, Влады́чице, жи́зни на́шей
Пита́тельнице.

Икос: Арха́нгельское целова́ние услы́шала еси́, Присноде́во,/ и в
чистоте́ де́вственной Бо́га зачала́ и Христа́ безболе́зненно роди́ла
еси́,/ Егóже я́ко Младенца́ от сосцу́ Твое́ю млеко́м пита́ла еси́,
А́нгелы и челове́ки вели́чием Твои́х добродете́лей удиви́ла еси́./
Те́мже ублажа́ем Тя, и́стинную Богоро́дицу, возвели́чившую на́ше
естество́/ и милосе́рдием неизрече́нным на род христиа́нский
призира́ющую./ Те́мже умиле́нно зовём Ти:/ ра́дуйся, Влады́чице,
Пита́тельнице жи́зни на́шей.

Песнь 7

Ирмос: *От Иудеи доше́дше, о́троцы/ в Вавило́не иногда́/ ве́рою Трóйческою
пла́мень пе́щный попра́ша, пою́ще:/ отце́в Бо́же, благослове́н еси́.*

От свята́го чудотво́рнаго о́браза Твоего́, Богоро́дице Де́во,
Млекопита́тельнице Спа́са на́шего,/ струи́ исцеле́ний истека́ют и
воня́ живóтная благоуха́ет,/ е́юже ме́ртвость грехо́вная душ на́ших
потребля́ется/ и плодонóсие духо́вное пода́ется зову́щим:/ отце́в
Бо́же, благослове́н еси́.

От Иерусали́ма на Святую́ Го́ру Афóнскую/ ико́на Твоя́
благодáтная, имену́емая Млекопита́тельница, Богома́ти Влады́чице,
принесёся/ во изъявление́ благоволе́ния Твоего́ к избра́нному Тобо́ю
жре́бию на земли́,/ егóже насельни́цы гла́сы немóлчными воспева́ют
Сы́ну Твоему́:/ отце́в Бо́же, благослове́н еси́.

От глубины́ зол мно́гих к Тебе́ припада́ем, о Ма́ти,
Млекопита́тельнице Сло́ва и Де́во,/ и мо́лимся приле́жно, Твою́
благодáтную по́мощь нам пода́ждь/ и не попусти́ погíбнути нам до
конца́,/ но спаси́ нас десни́цею Твое́ю и воздвигни́ пе́ти всех Творцу́:/
отце́в Бо́же, благослове́н еси́.

Ин

Неизглаго́ланно, Чи́стая, Изба́вителя ро́ждши,/ несказа́нно дои́ла
еси́, Де́ва пребы́вши,/ Егóже у́бо моли́ о пою́щих Тя и
славосло́влящих во вся ве́ки.

Святáя святýх сýщи, Чíстая, во храм святýй возлюбіла есі вселітися/ и со А́нгелы, Дéво, бесéдующи, пребывáеши преслáвне,/ с Небесé хлеб приéмлющи, Питáтельница жízни.

Слáва: Кáко дойши млекóм Сы́на, Чíстая,/ без отцá питающаго всякое дыхáние, Мáти Пречíстая?/ Кáко на руку́ нóсиши вся Содержáщего?/ Пáче умá чýдо Твое́, тем поём велíчия Твоя́.

И ны́не: О чýдо преслáвно!/ Кáко раждáеши искýса мýжеска не познáвши?/ Кáко же пита́еши, Дéво Мáти, Подáтеля во́истинну млекá и Питáтеля всея́ твáри.

Песнь 8

Ирмóс: Царя́ Небéснаго,/ Егóже поёт во́и А́нгельстии,/ хвалíte и превозносите во вся вéки.

Царя́ Небесé и землі воплотíла есі, Богорóдице,/ от дéвственных кровей Тво́их багрянíцу плóти Емý исткáвши/ и я́ко Младéнца от сосцý Твоею́ Тогó млекопита́вши,/ íстиннаго Бóга и Человéка, хвалíмаго и превозно́симаго во вся вéки.

Царíце нáша Преблагáя и Застúпнице, Пресвятáя Мáти Гóспода Вы́шних сил,/ с нíми моли́ Егó прилéжно мир мíрови даровáти,/ плодонóсие землі и всем нам здравíе и спасéние,/ да хвáлим и превозно́сим Егó во вся вéки.

Цáрство и Госпóдство даровá Тебé, Богорóдице Марíе, Сын Твой и Бог,/ цáрствуеши бо с Ним вéчно и покрывáеши лю́ди, честнóю Егó крóвию искúпленный,/ íже слáвят многопéтое íмя Твое́ и с véрою поклоня́ются чудотвóрному Твоемý óбразу, Млекопита́тельница,/ хвáляще и превознося́ще прослáвльшаго Тя Гóспода во вéки.

Царя́ Небéснаго безплóтныя слúги ужасáет, Богорóдице, та́йны Твоея́ глубинá,/ бéсы же смущáет Твоя́ икóна, именúемая Млекопита́тельница,/ éйже мы клáняемся, чтúще Тя, Бóжию Мáтерь.

Ин

Едíна нетлénно рождáеши,/ Едíна дойши Младéнца без бра́ка,/ Едíна Создáтеля Твоегó рождáеши и Влады́ку, áще и Мать, и Рабá,/ Тя, Мáти Дéво, поём во вéки.

Бо́га ка́ко на руку́ но́сиши, рцы,/ и ка́ко до́йши вся́ческая руко́ю Соде́рущаго, о Де́во Всеблаже́нная?/ Аз, – рече, – чи́ста пребыва́ю и по рождестве́, Христа́ Бо́га ро́ждши,/ ада́мов долг и прамáтерний отъе́мши.

Сла́ва: Ложесны́ Сло́во прия́ла еси, вся нося́щаго носи́ла еси́,/ ма́нием пита́ющаго Вселе́нную всю, Чи́стая, Емуже поём:/ Го́спода по́йте, дела́, и превозноси́те во вся ве́ки.

И ны́не: Со́лнце победи́ся Твое́ю све́тлостью, Мари́е,/ Ты бо свети́лы Не́бо украси́вшего рука́ма объя́ла еси́/ и от Твое́ю сосцу́ пита́ла еси́.

Пе́снь Богоро́дицы: Вели́чит душа́ моя́ Го́спода: *<см. основной Чин>*

Песнь 9

Ирмо́с: Вои́стинну Богоро́дицу,/ Тя испове́дуем,/ спасе́ннии Тобо́ю, Де́во Чи́стая,/ с Безплóтными ли́ки Тя велича́юще.

Вои́стинну никто́же, притека́яй к Тебе́ моли́твенно,/ тощ от Тебе́ исхо́дит, Пречи́стая Богоро́дице Де́во,/ всех бо Ты ми́луеши и ущедря́еши, я́ко любоблагоутро́бная Ма́ти, Млекопита́тельница Спа́са на́шего,/ те́мже, вси ро́ди земни́и, благода́рно Тя велича́ем.

Вои́стинну залóг благода́тный яви́ся свята́я Твоя́ и чудотво́рная ико́на,/ Богоро́дице, Млекопита́тельница Преблага́я,/ на ню́же взира́юще, сия́ние Бо́жией благода́ти в ду́ши на́ша невиди́мо прие́млем/ и по до́лгу пе́снями хвале́бными Тя велича́ем.

Вои́стинну щит и покрóв оби́тели на́шей свята́я ико́на Твоя́ даде́ся,/ Преблага́я Де́во, Млекопита́тельница,/ сию́ у́бо с любóвию объе́млюще, се́рдцем и усты́ целу́ем/ и Тя, Благоде́тельницу на́шу, непреста́нно велича́ем.

Вои́стинну всех свята́ых вы́шше еси́, Богоро́дице Де́во,/ ро́ждшая Святéйшее Сло́во и млекопита́вшая я́ко Младенца́ воплоще́ннаго Бо́га,/ нас ра́ди Челове́ка быв́ша, да изба́вит па́дший род челове́ческий от поги́бели ве́чныя./ Те́мже Тя, я́ко Вино́вницу спасе́ния на́шего, немóлчно велича́ем.

Ин

Давїд, праотец Твой, воспé Тя дрéвле, Дéво Богоневéсто,/ Дщерь глаголя Тя Царя Христá,/ Егóже и родівши, мáтерски Младénца питáла есї.

О Чáдо сладчáйшее!/ Кáко питаю Тя, питающего?/ Кáко держу́ Тя, держа́щего вся ма́нием?/ Кáко же пелена́ми повию́, повива́ющего всю зéмлю мглою? -/ вопи́аше Всечíстая Влады́чица, Ю́же непрестáнно велича́ем.

Слáва: Но́сиши вся Нося́щего и млекóм пита́еши всем пи́щу Даю́щего,/ véлие и стра́шное, éже па́че ума́, Твоé та́инство,/ ковчéже честна́го священ́ства, Дéво Богорóдице,/ тéмже Тя вси ублажа́ем.

И ны́не: Возвы́си рог благочестíвых и низложí вáрваров шатáния, Богородíтельнице,/ необорíмо спаса́ющи сие ста́до Твоé,/ в нёмже вели́кое Твоé íмя и многослáвное véрно велича́ется.

<далее см. основной Чин>

Изменяемое №9

Светíлен *глас 4:*

Пречíстаго о́браза Твоегó явлéние, Мáти Бóжий, прáзднуем свéтло,/ íбо в нем познава́ем знамéние Твоегó к нам благово́ления, Преблага́я,/ покрывáеши и спаса́еши на Тя упова́ющий, Богорóдице Всепéтая и Неискусобра́чная.

<далее см. основной Чин>

Изменяемое №10

На стихóвне стихíры *глас 2:*

Пресвята́я Мáти Бóжия,/ кáко Тя возблагодарíм достóйно,/ я́ко преслáвно ико́ну Твою́/ в покрóв и утешéние véрным нам даровáла есї/ и в защи́щение обíтели на́шей,/ и тоя́ чудотворéнием утвержда́еши Правослáвную véру.

Стих: Слы́ши, Дщи, и вíждь,/ и приклонí у́хо Твоé.

Влады́чице Преблага́я,/ не забúди нас, смире́нных,/ véрно поклоня́ющихся Твоéй чудотвор́ней ико́не/ и умиле́нно на ней созерца́ющих/ млекопита́ние Тобо́ю Христá Бóга,/ я́ко Младénца во объ́ятиях Твои́х держíмага,/ Егóже моли́, Всеблага́я,/ изба́вити ны скорбéй вре́менных и вéчных/ и спасти́ ду́ши на́ша.

Стих: Помяну́ íмя Твоé/ во вся́ком ро́де и ро́де.

О Всепётая Мати и Дёво,/ преклоніся мѣлостивно к моли́твам
на́шим,/ пред пречѣ́стым о́бразом Твоѣ́м прино́симым днесъ,/
покрѣ́й нас ма́терним Твоѣ́м покрѣ́вом от всякаго зла/ и зашѣ́ти от
искуше́ний вра́жиих,/ да вси непреста́нно Тя велича́ем,/
Млекопита́тельница Спаса́ нашего.

Сла́ва, и ны́не, глас 2: Ны́не настá день ра́достен,/ день честна́го
торжества́, Засту́пницы на́шей, Влады́чицы Богоро́дицы,/ Я́же
дарова́ нам ико́ну Своѣ́ю святу́ю в покрѣ́в и утешѣ́ние,/ сию́ убо
обы́мем любѣ́вию сердѣ́чною/ и, лобыза́я, рцем изображе́нной на
ней Млекопита́тельнице Спаса́ нашего:/ о Всеблага́я, сотвори́ ны
достѣ́йны бы́ти/ тако́ваго да́ра мѣлости Твоеѣ́/ и чту́щих Тя всегда́
спаса́й от всяких бед,/ Богоро́дице Чѣ́стая и Неискусобра́чная.

<далее см. основной Чин>

Утром 25 января

Изменяемое №11

По 1-м стихослѣ́вию седа́лен глас 4:

Божѣ́ственною благода́тию осени́ Господь пречѣ́стый о́браз Твой,
Влады́чице,/ и сей, я́ко многоцеле́бное сокрови́ще, оби́тели вели́каго
во проро́цех яви́,/ слепы́я просвещáти, разсла́бленны́я укрепля́ти,/
да тако́, прославля́юще о́браз Твой,/ научи́мся сла́вити и велича́ти
Тя,/ Су́щую Богоро́дицу и Пита́тельницу жи́зни на́шей.

Сла́ва, и ны́не, Богороди́чен: <далее см. основной Чин>

Изменяемое №12

По 2-м стихослѣ́вию седа́лен глас 8:

Я́ко звезда́ многосвѣ́тлая, ико́на Твоѣ́я, Богоро́дице Дёво,/
благода́тию чудѣ́с нас просвещáет и созывáет днесъ/ сла́вити и
воспева́ти многопѣ́тое ѡ́мя Твоѣ́,/ е́же любя́щим Тя рабѣ́м Твоѣ́м
ми́ро есть излия́нное./ О Госпо́же Пречѣ́стая, мо́лим Тя,/ и в час
кончи́ны животá на́шего не оста́ви нас Твоѣ́м заступле́нием.

Сла́ва, и ны́не, Богороди́чен: <далее см. основной Чин>

Изменяемое №13

Тропа́рь глас 3:

Без се́мене от Божѣ́ственного Ду́ха,/ во́лею же О́тчею зачала́ еси́
Сы́на Бо́жия,/ от Отца́ без ма́тере прѣ́жде век су́ща,/ нас же ра́ди из

Тебѣ без отца бывша,/ плотию родила еси/ и Младенца млеко́м пита́ла еси,/ те́мже не преста́й моли́ти/ изба́виться от бед ду́шам на́шим.

<далее см. основной Чин>

Изменяемое №14

На хвалитех стихіры *глас 8:*

Стіх: Сотвори́ти в них суд на́писан./ Сла́ва сия́ бу́дет всем преподо́бным Егѡ.

Стіх: Хвалі́те Бо́га во святы́х Егѡ,/ хвалі́те Егѡ во утвер́жении си́лы Егѡ.

Стіх: Хвалі́те Егѡ на си́лах Егѡ,/ хвалі́те Егѡ по мно́жеству вели́чества Егѡ.

О, пресла́внаго чудесе́!/ ве́лия ра́дость Горе Афѡнстей свѣ́ше дарова́ся,/ святая́ и благода́ти прича́стная ико́на Твоя́, Богоро́дице,/ Млекопита́тельница имену́емая,/ от Иерусали́ма к ней принесѣ́нная,/ те́мже, о принесѣ́нии тоя́ раду́ющесея,/ Тебе́, Влады́чице, мо́лимся,/ спаси́ ду́ши на́ша, я́ко Милосе́рда.

Стіх: Хвалі́те Егѡ во гла́се тру́бнем,/ хвалі́те Егѡ во псалти́ри и гу́слех.

О, пресла́внаго чудесе́!/ ве́лия ра́дость Горе Афѡнстей свѣ́ше дарова́ся,/ святая́ и благода́ти прича́стная ико́на Твоя́, Богоро́дице,/ Млекопита́тельница имену́емая,/ от Иерусали́ма к ней принесѣ́нная,/ те́мже, о принесѣ́нии тоя́ раду́ющесея,/ Тебе́, Влады́чице, мо́лимся,/ спаси́ ду́ши на́ша, я́ко Милосе́рда.

Стіх: Хвалі́те Егѡ в тимпа́не и ли́це,/ хвалі́те Егѡ во стру́нах и орга́не.

О, пресла́внаго чудесе́!/ исто́чник исцелѣ́ний нам днесь яви́ся,/ ико́на Твоя́ многочудѣ́сная, Богоро́дице,/ Млекопита́тельница имену́емая,/ ёю́же святая́ оби́тель вели́каго во проро́цех Илии́ духо́вно обогати́ся/ и чудѣ́с Твои́х благода́тию просла́вися,/ сию́ у́бо Боголе́пным поклонѣ́нием че́ствуем/ и со умилѣ́нием Тебе́ вопиѣ́м:/ Правосла́вие утверди́ в нас непоколе́блемо, Влады́чице,/ и спаси́ ду́ши на́ша, я́ко Милосе́рда.

Стіх: Хвалі́те Егѡ в кимва́лех доброглас́ных, хвалі́те Егѡ в кимва́лех восклицáния./ Вся́кое дыха́ние да хва́лит Го́спода.

О, ра́дости неисчерпа́емая!/ дѣ́вный святі́тель Са́вва залог ми́лостей Твои́х,/ ико́ну Твою́ святу́ю, Богоро́дице Млекопита́тельнице,/ от Иерусали́ма прино́сит/ и вся ны призыва́ет благоговѣ́йно ей поклоні́тися./ Сего́ ра́ди, с любѡ́вию к ней

припадающе,/ молебнo Тебѣ вопіем:/ от бед избáви нас,
Влады́чице,/ и спаси́ ду́ши нáша, я́ко Милосѣрда.

Слáва, глас 6: Блаж́им Тя, вси рóди, Богорóдице,/ я́ко рáдости вся ны
испóлнила еси́/ явлéнием чудотвóрный Тво́ея ико́ны
Млекопита́тельницы/ и дарова́нием мно́гих от не́я исцелéний,/ ду́ши
бо и телеса́ врачúеши/ и от вся́ких бед избавля́еши/ честна́го о́браза
Твоего́ осенéнием,/ е́муже днесь поклоня́ющеся,/ усéрдно мо́лим Тя:/
сподо́би, Влады́чице, Твоя́ рабы́/ в б́удущем ве́це изб́ранных
ра́дости/ и в настоя́щем жити́и вели́кия Твоея́ м́лости.

И ны́не, Богорóдичен: <см. основной Чин>

Изменяемое №15

Кондак глас 5:

Душ́ наших́ чу́вствия оч́истивше,/ у́зрим на ико́не та́инство
пресла́вное,/ Творца́ Вселénной и Го́спода вы́шних сил,/ во
объя́тиих держ́има и от сосцú Тво́ею я́ко Младénца пита́ема,/ и, со
стра́хом и рáдостью поклоня́ющеся Тебѣ/ и рóждшемуся от Тебѣ
Спа́су нáшему, воззовéм:/ ра́дуйся, Влады́чице, жи́зни нáшей
Пита́тельнице.

<далее см. основной Чин>

На Литургии

Изменяемое №20

Прокимен, глас 3: Вели́чит душá Моя́ Го́спода,/ и возра́довася дух
Мой о́ Бо́зе, Спа́се Мо́ем. *Стих:* Я́ко призрэ́ на смире́ние Рабы́ Свое́я,
се бо отны́не ублажа́т Мя вси рóди.

Изменяемое №21

Аллилуиа, глас 8: Слы́ши, Дщи, и виждь, и приклони́ у́хо Тво́е. *Стих:*
Лицú Твоему́ помóлятся богáтии лю́дстии.

Изменяемое №22

*Причастен: Избавлéние послá Господь лю́дем Сво́им. Аллилуиа,
трижды.*